

Kthim pergjigje Nr. 169 Fri 5/22/2020 1:20 PM

To: adriatikdoci@yahoo.com;

Pershendetje Z. Doci!

Në përgjigje të kërkesës tuaj dërguar elektronikisht ne Drejtorinë e Përgjithshme të Tatimeve, në kuadër të Ligjit 119/2014 datë 18.09.2014 “Për të drejtën e informimit”, regjistruar me nr. 169, në regjistrin e Kërkesave dhe Përgjigjeve, e cila ishte në përputhje me nenin 11 të ligjit të sipërcituar, ju sqarojmë si më poshtë vijon:

Tatimpaguesi “TRANSATLANTIC ALBANIA Ltd. - Dega Shqiptare” me NIPT K72205016P, aktualisht rezulton debitor dhe ne vijim nga Drejtoria Rajonale e Tatimpaguesve të Medhenj janë marre të gjitha masat shtrenguese që parashikojnë nenet e kreut XI “Mbledhja me Forcë e Detyrimit Tatimor të Papaguar” të Ligjit Nr. 9920, Datë 19.5.2008 “Për Procedurat Tatimore në Republikën e Shqipërisë” i ndryshuar.

Persa i takon shumës që ky subjekt i detyrohet tatimeve dhe prej sa kohësh, sqarojmë si më poshtë vijon:

Në Ligjin nr. 9920/2008 “Për Procedurat Tatimore në Republikën e Shqipërisë” i ndryshuar, *neni 24 “Dhënia e informacionit tatimor nga administrata tatimore”* përcaktohet se, informacioni tatimor për tatimpaguesin, i administruar nga administrata tatimore, u ofrohet pa pagesë autoriteteve të përcaktuara në këtë nen, pas depozitimit të kërkesës me shkrim dhe kur verifikohen rrethanat e mëposhtme:

- a) gjyqtarit, nëse është në gjykim ose në hetim të një çështjeje civile, të lidhur me një tatimpagues, për pjesën që u takon marrëdhënieve të tij me administratën tatimore;
- b) gjyqtarit apo prokurorit, nëse është në gjykim ose në hetim të një çështjeje penale, të lidhur me një tatimpagues, për pjesën që u takon marrëdhënieve të tij me administratën tatimore;
- c) Kontrollit të Lartë të Shtetit, vetëm për rastet, kur kërkesa e bërë është në funksion të kontrollit të kryer nga ky institucion ndaj administratës tatimore, në funksion të hartimit të rekomandimeve të veta;
- ç) autoritetit të ngjashëm të huaj, me të cilin Kuvendi ka ratifikuar marrëveshje ndërkombëtare dhe informacioni kërkohet në kuadër të ekzekutimit të marrëveshjes;
- d) autoritetit homolog të huaj ose autoriteteve vendase, me të cilat Drejtoria e Përgjithshme e Tatimeve ka nënshkruar marrëveshje bashkëpunimi dy ose shumëpalëshe, me objekt shkëmbimin e informacionit;
- dh) institucioneve të pavarura, të krijuara me ligj;
- e) çdo autoriteti tjetër, sipas parashikimit të bërë me ligj të veçantë.

Si dhe **neni 31 “E drejta për konfidencialitetin e të dhënave”**

- 1. Çdo tatimpagues ka të drejtën e konfidencialitetit për të dhënat e veta tatimore e financiare, të administruara nga administrata tatimore.
- 2. E dhënë tatimore dhe financiare është çdo informacion, i cili merret nga administrata tatimore, gjatë ushtrimit të funksioneve, tek tatimpaguesi ose palët e treta.

Per sa me siper, referuar Ligjit Nr. 9920/2008 "Per Procedurat Tatimore ne RSH" i ndryshuar, nenet 24, 25 dhe 31, Administrata Tatimore nuk mund t'ju vere ne dispozicion informacionin e kerkuar, mbi shumen debitore te tatimpaguesit "TRANSATLANTIC ALBANIA Ltd. - Dega Shqiptare" me NIPT K72205016P.

Faleminderit per mirekuptimin.